

毛詩故訓定本

節南山之什故訓傳第十九

毛詩小雅

節南山之什十篇七十九章五百五十二句

節南山十章六章章八句四章章四句

節南山家父刺幽王也

節彼南山維石巖巖赫赫師尹民具爾瞻憂心如惔不敢戲談國旣卒斬何用不監 節彼南山有實其猗赫赫師尹不平謂何天方薦瘥喪亂弘多民言無嘉慴莫懲嗟 尹氏大師維周之氏秉國之均四方是維天子是毗卑民不迷不弔昊天不宐空我師 弗躬弗親庶民不信

今本弗信日本古本作不

弗問弗仕勿罔君子式夷式已無

小人殆瑱瑱姻亞則無隳仕 昊天不傭降此鞠訥昊天不惠降此大戾君子如屈卑民心闕君子如夷惡怒是違 不弔昊天亂靡有定式月斯生卑民不寧憂心如醒誰秉國成不自爲政卒勞百姓 駕彼四牡四牡項領我瞻四方戚戚靡所騁 方茂爾惡相爾矛矣旣夷旣懌如相騁矣 昊天不平我王不寧不懲其心覆怨其正 家父作誦以究王訥式訛爾心以畜萬邦

節彼南山維石巖巖興也節高峻兒

此謂節卽巖巖

積石兒赫赫顯盛貌師大師周之三公也尹尹氏爲

大師具俱瞻視惓惓也

惓當從說文作天小藝也轉寫作炎又作惓

卒盡

斬斷監視也實滿猗長也薦重瘥病弘大也懽曾也

氏本均平毗厚也弔至空窮也

此謂空卽穹之段借也七月傳穹窮也

庶民弗信庶民之言不可信勿罔君子勿罔上而行也式夷式已無小人殆式用也夷平也用平則已無以小人之言至於危殆也瑱瑱小貌兩壻相謂曰亞廕厚也備均鞠盈訕訟也屆極閑息夷易違去也病酒曰醒成平也項大也

此謂項卽洪之段借騁極也茂勉也懽

服也正長也家父大夫也

正月十三章八章章八句五章章六句

正月大夫刺幽王也

正月繁霜我心憂傷民之訛言亦孔之將念我獨兮憂
心京京哀我小心瘋憂以瘳 父母生我胡俾我瘳不
自我先不自我後好言自口莠言自口憂心愈愈是以
有侮 憂心惻惻念我無祿民之無辜并其臣僕哀我
人斯于何從祿瞻烏爰止于誰之屋 瞻彼中林侯薪
侯蒸民今方殆視天夢夢旣克有定靡人弗勝有皇上
帝伊誰云憎 謂山蓋卑爲岡爲陵民之訛言寧莫之
懲召彼故老訊之占夢具曰予聖誰知烏之雌雄 謂
天蓋高不敢不局謂地蓋厚不敢不踣維號斯言有倫
有脊哀今之人胡爲虺蜴 瞻彼阪田有苑其特天之

抗我如不我克彼求我則如不我得執我仇仇亦不我
力 心之憂矣如或結之今茲之正胡然厲矣燎之方
揚寧或滅之赫赫宗周褒姒威之 終其永懷又窘陰
雨其車旣載乃棄爾輔載輸爾載將伯助予 無棄爾
輔員于爾幅婁顧爾僕不輸爾載終踰絕險曾是不意
魚在于沼亦匪克樂潛雖伏矣亦孔之炤憂心慄慄
念國之爲虐 彼有旨酒又有嘉肴洽比其鄰昏姻孔
云念我獨兮憂心慙慙 眈眈彼有屋蔭蔭方穀民今
之無祿天天是極哿矣富人哀此惻獨

正月夏之四月繁多也將大也京京憂不去也瘋痺

皆病也父母謂文武也我我天下痾病也莠醜也愈
愈憂懼也惇惇憂意也臣僕古者有罪不入於刑則
役之園土以爲臣僕瞻烏爰止于誰之屋富人之屋
烏所集也中林林中也薪蒸言似而非視天夢夢王
者爲亂夢夢然勝乘也皇君也謂山蓋卑爲岡爲陵
在位非君子乃小人也故老元老訊問也具曰予聖
君臣俱自謂聖也局曲也踏累足也踏與積同音倫道也
脊理也蜴蜥也瞻彼阪田有苑其特言朝廷曾無傑
臣也抗動也仇仇警警也厲惡也滅之滅之以水也
宗周鎬京也褒姒威之褒國也姒姓也威滅也有褒

國之女幽王惑焉而以爲后詩人知其必滅周也窘困也其車旣載乃棄爾輔大車重載又棄其輔將請也伯長也員益也沼池也慄慄猶戚戚也彼有旨酒又有嘉肴言禮物備也洽比其鄰昏姻孔云洽合也鄰近也云旋也是言王者不能親親以及遠慙慙然痛也眈眈小也𦵿𦵿陋也天天是桮君天之在位桮之可獨單也

十月之交八章章八句

十月之交大夫刺幽王也

十月之交朔月辛卯日有食之亦孔之醜彼月而微此

日而微今此下民亦孔之哀 日月吉凶不用其行四

國無政不用其良彼月而食則維其常此日而食于何

不減 燄燄震電不寧不令百川沸騰山冢卒崩

卒與漸漸

同之石 高岸爲谷深谷爲陵哀今之人胡惜莫懲 皇父

卿士番維司徒家伯維宰仲允膳夫聚子內史蹶維趣

馬楸維師氏豔妻傷方處

此從說文作偏

抑此皇父豈曰不

時胡爲我作不卽我謀徹我牆屋田卒汙萊曰予不戕

禮則然矣 皇父孔聖作都于向擇三有事亶侯多藏

不憖遺一老俾守我王擇有車馬以居徂向 黽勉從

事不敢告勞無罪無辜讒口嚙嚙下民之孽匪降自天

噂沓背憎職競由人 悠悠我里亦孔之瘳四方有美
我獨居憂民莫不逸我獨不敢休天命不徹我不敢倣
我友自逸

之交日月之交會日有食之亦孔之醜醜惡也月臣
道日君道煜煜震電兇震雷也沸出騰乘也山頂曰
冢高岸爲谷深谷爲陵言易位也豔妻褒姒美色曰
豔傷熾也時是也下則汙高則禁皇父孔聖皇父甚
自謂聖向邑也擇三有事亶侯多藏有司國之三卿
信維貪淫多藏之人也噂猶噂噂沓猶沓沓職主也
悠悠憂也里病也

此從釋文

瘳病也羨餘也天命不徹我

不敢效我友自逸徹道也親屬之臣心不能已也

雨無正七章二章章十句二章章八句三章章六

句

雨無正大夫刺幽王也雨自上下者也眾多如雨而非
所以爲正也

浩浩昊天不駿其德降喪饑饉斬伐四國昊天疾威

此從

正義

弗慮弗圖舍彼有罪旣伏其辜若此無罪淪胥以

鋪周宗旣滅靡所止戾正大夫離居莫知我勦三事

大夫莫甬夙夜邦君諸侯莫甬朝夕庶曰式臧覆出爲

惡如何昊天錚言不信如彼行邁則靡所臻凡百君

子各敬爾身胡不相畏不畏于天 戎成不退饑成不
遂曾我誓御懣懣日瘁凡百君子莫肯用諄聽言則答
譖言則退 哀哉不能言匪舌是出維躬是瘁哿矣能
言巧言如流俾躬處休 維曰于仕孔棘且殆云不可
使得罪于天子亦云可使怨及朋友 謂爾遷于王都
曰予未有室家鼠思泣血無言不疾昔爾出居誰從作
爾室

駿長也穀不孰曰饑蔬不孰曰饑舍除也淪率也戾
定也勸勞也覆反也辟法也戎兵遂安也誓御侍御
也瘁病也聽言則答譖言則退以言進退人也哀哉

不能言匪舌是出維躬是瘁哀賢人不得言不得出
是舌也哿矣能言巧言如流俾躬處休哿可也可矣
世所謂能言也巧言從俗如水轉流于往也謂爾遷
于王都曰予未有室家賢者不肖遷于王都也無聲
曰泣血無言不疾無所言而不見疾也昔爾出居誰
從作爾室遭亂世義不得去思其友而不肖反者也

小旻六章三章章八句三章章七句

小旻大夫刺幽王也

旻天疾威敷于下土謀猶回遹何日斯沮謀臧不從不
威覆用我視謀猶亦孔之邛 淪淪訛訛亦孔之哀謀

之其臧則具是違謀之不臧則具是依我視謀猶伊于
胡底 我龜旣厭不我告猶謀夫孔多是用不集發言
盈庭誰敢執其咎如匪行邁謀是用不得于道 哀哉
爲猶匪先民是程匪大猶是經維邇言是聽維邇言是
爭如彼築室于道謀是用不潰于成 國雖靡止或聖
或否民雖靡盬或哲或謀或肅或艾如彼泉流無淪胥
以敗 不敢暴虎不敢馮河人知其一莫知其他戰戰
兢兢如臨深淵如履薄冰

敷布回邪也通辟也沮壞也邛病也淪淪然患其上
訛訛然思不稱其上

作不思者誤也

不我告猶猶道也集就

也發言盈庭誰敢執其咎謀人之國國危則死之古
之道也古曰在昔昔曰先民程法經常猶道邇近也
維邇言是爭爭爲近言也潰遂也國雖靡止或聖或
否民雖靡盬或哲或謀或肅或艾靡止言小也人有
通聖者有不能者亦有明哲者有聰謀者艾治也有
恭肅者有治理者馮陵也徒涉曰馮河徒搏曰暴虎
一非也他不敬小人之危殆也戰戰恐也兢兢戒也
如臨深淵恐隊也如履薄冰恐陷也

小宛六章章六句

小宛大夫刺幽王也

作宣王誤

宛彼鳴鳩翰飛戾天我心憂傷念昔先人明發不寐有
懷二人 人之齊聖飲酒溫克彼昏不知壹醉日富各
敬爾儀天命不又 中原有菽庶民采之螟蛉有子蠋
負之教誨爾子式穀似之 題彼脊令載飛載鳴我
日斯邁而月斯征夙興夜寐無忝爾所生 交交桑扈
率場啄粟哀我填寡宜岸宜獄握粟出卜自何能穀
溫溫恭人如集于木惴惴小心如臨于谷戰戰兢兢如
履薄冰

宛彼鳴鳩翰飛戾天興也宛小貌鳴鳩鵲鵲翰高也
戾至也行小人之道責高明之功終不可得先人文

武也明發發夕至明也齊正克勝也壹醉日富醉日

而富矣

宋本岳本如是謂當壹醉之日頓自富矣與箋小別

又復也

此謂又爲復之段借

中原有菽庶民采之中原原中也菽藿也力采者則

得之螟蛉桑蟲也螟蠃蒲盧也負持也題彼脊令載

飛載鳴題視也

此謂題即睚之段借

脊令不能自舍君子有取

節爾忝辱也交交桑扈率場啄粟交交小貌桑扈竊

脂也言上爲亂政而求下之治終不可得也填盡岸

訟也

此謂岸即犴之段借韓詩正作犴

溫溫和柔貌如集于木恐隊

也如臨于谷恐隕也

小弁八章章八句

小弁刺幽王也天子之傳作焉

弁彼鸛斯歸飛提提民莫不穀我獨于罹何辜于天我
罪伊何心之憂矣云如之何 踽踽周道鞠爲茂草我

心憂傷惄焉如瘳

釋文

假寐永歎維憂用老心之憂矣疢

如疾首 維桑與梓必恭敬止靡瞻匪父靡依匪母不

屬于毛不離于裏

唐石經

天之生我我辰安在 苑彼柳

斯鳴蜩嘒嘒有漙者淵萑葦淠淠譬彼舟流不知所屆

心之憂矣不遑假寐 鹿斯之奔維足攸伎雉之朝雊

尙求其雌譬彼壞木疾用無枝心之憂矣寧莫之知

相彼投兔尙或先之行有死人尙或瑾之

當依說文作瑾

君子

秉心惟其忍之心之憂矣涕既隕之君子信讒如或
醜之君子不惠不舒究之伐木掎矣析薪地矣舍彼有
罪予之佗矣莫高匪山莫浚匪泉君子無易由言耳
屬于垣無逝我梁無發我笱我躬不閱遑恤我後

弁彼鸛斯歸飛提提興也弁樂也鸛卑居卑居雅烏
也提提羣貌民莫不穀我獨于罹幽王取申女生大
子宜咎又說褒姒生子伯服立以爲后而放宜咎將
殺之何辜于天我罪伊何舜之怨慕口號泣于旻天
于父母蹶蹶平易也周道周室之通道鞠窮也愍思
也癯心疾也維桑與梓必恭敬止父之所樹已尙不

敢不恭敬也毛在外陽以言父裏在內陰以言母辰

時也蝟蟬也嘒嘒聲也灌深貌淠淠眾也鹿斯之奔

維足伎伎伎舒貌謂鹿之奔走其足伎伎然舒也

壞痍也謂傷病也

他家詩作痍爾雅釋木說文某氏注爾雅所引是也毛詩作壞故毛

公以爾雅釋之

復釋痍字之義瑾路冢也隕隊也伐木倚矣析薪地

矣伐木者倚其顛析薪者隨其理

地卽說文地字經段借取迤褻隨理

之佗加也浚深也我躬不閱遑恤我後念父孝也高

子曰小弁小人之詩也孟子曰何以言之曰怨乎孟

子曰固哉夫高叟之爲詩也有越人於此關弓而射

我我則談笑而道之無他疏之也兄弟關弓而射我

我則垂涕泣而道之無他戚之也

以上當依孟
子書爲明順然則

小弁之怨親親也親親仁也固哉夫高叟之爲詩曰

凱風何以不怨曰凱風親之過小者也小弁親之過

大者也親之過大而不怨是愈疏也親之過小而怨

是不可磯也

釋文磯古愛反按依此音則正與杞同
杞漢賦多作挖不可挖謂不可摩及之

也幾聲乞聲
古同音通用

愈疏不孝也不可磯亦不孝也孔子曰

舜其至孝矣五十而慕

巧言六章章八句

巧言刺幽王也大夫傷於讒故作是詩也

悠悠昊天曰父母且無罪無辜亂如此憮昊天已威予

慎無罪昊天大恤予慎無辜 亂之初生潛始既涵亂
之又生君子信讒君子如怒亂庶遄沮君子如祉亂庶
遄已 君子婁盟亂是用長君子信盜亂是用暴盜言
孔甘亂是用餓匪其止共維王之邛 奕奕寢廟君子
作之秩秩大猷聖人莫之他人有心予寸度之躍躍覓
兔遇犬獲之 荏染柔木君子樹之往來行言心焉數
之蛇蛇碩言出自口矣巧言如簧顏之厚矣 彼何人
斯居河之麋無拳無勇職爲亂階既微且樞爾勇伊何
爲猶將多爾居徒幾何

幬大也威畏慎誠也僭數

釋文云毛側藍反則
數當色主反不音朔涵容

也遄疾沮止也祉福也盟凡國有疑會同則用盟而

相要也盜逃也

此謂段借

餒進也奕奕大貌秩秩進知也

莫謀也薨兔狡兔也荏染柔意也柔木椅桐梓漆也

蛇蛇淺意也水草交謂之麋

此謂湄之段借

拳力也骭瘍爲

微腫足爲蹠

何人斯八章章六句

何人斯蘇公刺暴公也暴公爲卿士而譖蘇公焉故蘇

公作是詩以絕之

彼何人斯其心孔艱胡逝我梁不入我門伊誰云從維

暴之云 二人從行誰爲此禍胡逝我梁不入唁我始

者不如今云不我可 彼何人斯胡逝我陳我聞其聲
不見其身不媿于人不畏于天 彼何人斯其爲飄風
胡不自北胡不自南胡逝我梁祇攪我心 爾之安行
亦不違舍爾之亟行遲脂爾車壹者之來云何其盱
爾還而入我心易也還而不入否難知也壹者之來俾
我祇也 伯氏吹壎仲氏吹簫及爾如貫諒不我知出
此三物以詛爾斯 爲鬼爲蜮則不可得有覲面目視
人罔極作此好歌曰極反側

云言也陳堂塗也飄風暴起之風攪亂也易說祇病
也

祇者疾之段借無
將大車傳疾病也

土曰壎竹曰簫三物豕犬雞也

民不相信則盟詛之君以豕臣以犬民以雞蜮短弧

也

狐誤

覲姑也反側不正直也

巷伯七章四章章四句一章五句一章八句一章

六句

巷伯刺幽王也寺人傷於讒故作是詩也巷伯奄官兮

正義曰兮衍字案兮也古通用此五字序文也下文注云巷伯內小臣也今本譌亂詩周禮二疏及詩音義可

正據

斐兮斐兮成是貝錦彼譖人者亦已大甚 哆兮侈兮

成是南箕彼譖人者誰適與謀 緝緝翩翩謀欲譖人

慎爾言也謂爾不信 捷捷幡幡謀欲譖言豈不爾受

既其女遷 驕人好好勞人草草蒼天蒼天視彼驕人
矜此勞人 彼譖人者誰適與謀取彼譖人投畀豺虎
豺虎不食投畀有北有北不受投畀有昊 楊園之道
猗于畝丘寺人孟子作爲此詩凡百君子敬而聽之

萋兮斐兮成是貝錦興也萋斐文章相錯也貝錦錦
文也多兮侈兮成是南箕哆大貌南箕箕星也多之
言是必有因也

禮記注侈者因物而大之名

斯人自謂辟嫌之不

審也昔者顏叔子獨處于室鄰之釐婦又獨處于室
夜暴風雨至而室壞婦人趨而至顏叔子納之而使
執燭放乎旦而蒸盡

蒸析麻中幹也古以爲燭

摘屋而繼之

摘屋卽左

傳之抽屋也武梁碑作自以為辟嫌之不審矣若其

縮竿說文曰縮蹤引也審者宜若魯人然魯人有男子獨處于室鄰之釐婦

又獨處于室夜暴風雨至而室壞婦人趨而託之男

子閉戶而不納婦人自牖與之言曰子何為不納我

乎男子曰吾聞之也男子不六十不閉居

此即六十閉房之說

謂不六十不能無欲也釋文聞音閑今于幼吾亦幼

不可以納子婦人曰子何不若柳下惠然嫗不逮門

之女國人不稱其亂

此俗所謂坐懷不亂也荀卿曰柳下惠與後門者同衣國人不

稱其亂後門即不逮門謂不及門

無宿處也禮記注曰以體曰嫗男子曰柳下惠固

可吾固不可吾將以吾不可學柳下惠之可孔子曰

欲學桺下惠可者未有能似於是也

二句依正義補二字緝緝

口舌聲翩翩往來貌捷捷猶緝緝也幡幡猶翩翩也

遷去也好好喜也草草勞心也投棄也北北方寒涼

而不毛昊昊天也楊園園名猗加也

猗古音如阿加古音如歌同韻

段畝丘丘名寺人而曰孟子者罪已定矣而將踐刑

作此詩也

谷風之什故訓傳第二十

毛詩小雅

谷風之什十篇五十四章三百五十六句

谷風三章章六句

谷風刺幽王也天下俗薄朋友道絕焉

習習谷風維風及雨將恐將懼維予與女將安將樂女
轉棄予 習習谷風惟風及殽將恐將懼實予于懷將
安將樂棄予如遺 習習谷風維山崔嵬無草不死無
木不萎忘我大德思我小怨

習習谷風維風及雨興也風雨相感朋友相須將安
將樂女轉棄予言朋友趨利窮達相棄維風及殽殽

風之焚輪者也

焚輪猶紛綸風之自上下者也

風薄相扶而上

薄謂積也

喻朋友相須而成崔嵬山顛也無草不死無木不萎

言雖盛夏萬物茂壯草木無不有死葉萎枝者

不有從日

本古本

蓼莪六章四章章四句二章章八句

蓼莪刺幽王也民人勞苦孝子不得終養爾

蓼蓼者莪匪莪伊蒿哀哀父母生我劬勞 蓼蓼者莪

匪莪伊蔚哀哀父母生我勞瘁 餅之罄矣維罍之恥

鮮民之生不如死之久矣無父何怙無母何恃出則銜

恤人則靡至

父兮生我母兮鞠我

鞠訓窮亦訓養猶治亂曰亂也俗作

勸拊我畜我長我育我顧我復我出入腹我欲報之德
昊天罔極 南山烈烈票風發發民莫不穀我獨何害
南山律律票風弗弗民莫不穀我獨不卒

蓼蓼者莪匪莪伊蒿興也蓼蓼長大貌蔚牡蒿也餅
之罄矣維罍之恥餅小而罍大罄盡也鮮寡也鞠養
腹厚也烈烈然至難也發發疾貌律律猶烈烈也弗
弗猶發發也

大東七章章八句

大東刺亂也東國困於役而傷於財譚大夫作是詩以
告病焉

有饒簋飧有捋棘匕周道如砥其直如矢君子所履小

人所視瞻言顧之潛焉出涕小東大東杼軸其空軸作

柚誤糾糾葛屨可以履霜佻佻公子行彼周行既往既來

使我心疚有冽沍泉無浸穫薪契契寤歎哀我瘁人

薪是穫薪尚可載也哀我瘁人亦可息也東人之子

職勞不來西人之子粲粲衣服舟人之子熊羆是裘私

人之子百僚是試或以其酒不以其漿鞞鞞佩璲不

以其長維天有漢監亦有光跂彼織女跂當從說文作岐終日

七襄雖則七襄不成報章皖彼牽牛不可以服箱字可

依文選李善注補東有啓明西有長庚有捋天畢載施之行

維南有箕不可以簸揚維北有斗不可以挹酒漿維
南有箕載翕其舌維北有斗西柄之揭

有饌簋飧有捄棘匕興也饌滿簋兒飧孰食謂黍稷
也捄長兒匕所以載鼎實棘赤心也如砥貢賦平均
也如矢賞罰不偏也睠反顧也潛涕下兒空盡也佻
佻獨行兒公子譚公子也冽寒意也側出曰沆泉穫
艾也契契憂苦也痺勞也載載乎意也未詳意當作車東人
譚人也來勤也西人京師人也粲粲鮮盛兒舟人舟
楫之人熊羆是裘言富也私人私家人也百僚是試
用於百官也或以其酒不以其漿或醉於酒或不得

漿也鞞鞞玉兒璫瑞也漢天河也監亦有光有光而
無所明也跂隅兒襄反也不成報章不能反報成章
也皖明星兒廣韻皖明星戶版切何鼓謂之牽牛服牝服也箱
大車之箱也日且出謂明星爲啓明且正義作旦非也且出正謂未
旦昧爽時旦者日在地上明星不見矣日旣入謂明星爲長庚庚續也
有挾天畢載施之行挾畢兒畢所以掩兔也何嘗見
其可用乎挾料也翕合也

四月八章章四句

四月大夫刺幽王也在位貪殘下國構禍怨亂竝興焉
四月維夏六月徂暑先祖匪人胡寧忍予 秋日淒淒

百卉具腓

李善注文選戲馬臺詩曰韓詩作腓毛萇作非

亂離瘼矣爰其適歸

冬日烈烈飄風發發民莫不穀我獨何害 山有嘉

卉侯栗侯梅廢爲殘賊莫知其尤 相彼泉水載清載

濁我日構禍曷云能穀 滔滔江漢南國之紀盡瘁以

仕寧莫我有 匪驚匪鷙翰飛戾天匪鱸匪鮪潛逃于

淵 山有蕨薇隔有杞桋君子作歌維以告哀

六月徂暑徂往也六月火星中暑盛而往矣淒淒涼

風也卉草也腓病也離憂瘼病適之也廢大也構成

曷逮也滔滔江漢南國之紀滔滔大水貌其神足以

綱紀一方驚雕也鵬鷖貪殘之鳥也鱣鮪大魚能逃

處淵杞枸繼也楨赤棟也

北山六章三章章六句三章章四句

北山大夫刺幽王也役使不均已勞於從事而不得養其父母焉

陟彼北山言采其杞偕偕士子朝夕從事王事靡盬憂我父母 溥天之下莫非王土率土之濱莫非王臣大夫不均我從事獨賢 四牡彭彭王事徬徬嘉我未老鮮我方將旅力方剛經營四方 或燕燕居息或盡瘁事國或息偃在牀或不已于行 或不知詔號

宋本毛詩音義

或燥燥劬勞或棲遲偃仰或王事鞅掌 或湛樂飲酒

或燥燥畏咎或出入風議或靡事不爲

偕偕強壯貌士子有王事者也溥大率循濱厓也賢

勞也

說文賢多財也引伸之凡多皆曰賢

彭彭然不得息傷傷然不得

已將壯也

此謂段借

旅眾也燕燕安息貌盡瘁事國盡力

勞病以從國事也踟呼號召也鞅掌失容也

無將大車三章章四句

無將大車大夫悔將小人也

無將大車祇自塵兮無思百憂祇自疢兮 無將大車

維塵冥冥無思百憂不出于煩 無將大車維塵離兮

無思百憂祇自重兮

大車小人之所將也疾病也頽光也

小明五章三章章十二句二章章六句

小明大夫悔仕於亂世也

明明上天照臨下土我征徂西至于芄野二月初吉載
離寒暑心之憂矣其毒大苦念彼其人涕零如雨豈不
懷歸畏此罪罟 昔我往矣日月方除曷云其還歲聿
云莫念我獨兮我事孔庶心之憂矣瘳我不暇念彼其
人惓惓懷顧豈不懷歸畏此譴怒 昔我往矣日月方
奧曷云其還政事愈戚作蹙者俗歲聿云莫采蕭穫菽心之
憂矣自詒伊戚念彼其人興言出宿豈不懷歸畏此反

覆 嗟爾君子無恆安處靖其爾位正直是與神之聽
之式穀以女 嗟爾君子無恆安息靖其爾位好是正
直神之聽之介爾景福

芄野遠荒之地初吉朔日也罟網也除除陳生新也
痺勞也與煖也威促也威憂也靖謀也正直爲正能
正人之曲曰直息猶處也介景皆大也

鼓鍾四章章五句

鼓鍾刺幽王也

鼓鍾將將淮水湯湯憂心且傷淑人君子懷允不忘
鼓鍾喈喈淮水涪涪憂心且悲淑人君子其德不回

鼓鍾伐磬淮有三洲憂心且妯淑人君子其德不猶
鼓鍾欽欽鼓瑟鼓琴笙磬同音以雅以南以籥不僭

鼓鍾將將淮水湯湯憂心且傷幽王用樂不與德比
會諸侯于淮上鼓其淫樂以示諸侯賢者爲之憂傷
也喈喈猶將將淅淅猶湯湯悲猶傷也回邪也磬大
鼓也三洲淮上地妯動也猶若也欽欽言使人樂進
也笙磬東方之樂也同音四縣皆同也以雅以南爲
雅爲南也舞四夷之樂大德廣所及也東夷之樂曰
秣南夷之樂曰南西夷之樂曰株

正義本

離北夷之樂

曰禁以籥不僭以籥以爲籥舞也若是爲和而不僭

矣

楚茨六章章十二句

楚茨刺幽王也政煩賦重田萊多荒饑饉降喪民卒流
亾祭祀不饗故君子思古焉

楚楚者茨言抽其棘自昔何爲我茲黍稷我黍與與我
稷翼翼我倉旣盈我庾維億以爲酒食以旨以祀凡獻於神

曰言神歆之曰饗詩之例如此此上言以旨以祀下言神係是饗閭宮上言旨祀不忒旨以駢犧下言是饗是宜烈祖上言以假以旨下言來假來饗是也以安以侑以介景福濟濟跄

蹌絜爾牛羊以往烝嘗或剝或亨或肆或將祝祭于祊
祀事孔明先祖是皇神保是饗孝孫有慶報以介福萬

壽無疆 執爨踏踏爲俎孔碩或燔或炙君婦莫莫爲
豆孔庶爲賓爲客獻酬交錯禮儀卒度笑語卒獲神保
是格報以介福萬壽攸酢 我孔熯矣式禮莫愆工祝
致告徂賚孝孫苾苾孝祀神耆飲食卜爾百福如幾如
式旣齊旣稷旣匡旣敕永錫爾極時萬時億 禮儀旣
備鍾鼓旣戒孝孫徂位工祝致告神具醉止皇尸載起
鍾鼓送尸 正義及宋書禮志兩引皆作鍾鼓送尸與上文鍾鼓旣戒一例 神保聿歸諸
宰君婦廢徹不遲諸父兄弟備言燕私 樂具入奏以
綏後祿爾殽旣將莫怨具慶旣醉旣飽小大稽首神耆
飲食使君壽考孔惠孔時維其盡之子子孫孫勿替引

之

楚楚茨棘貌抽除也露積曰庾萬萬曰億安安坐也
侑勸也濟濟踴踴言有容也亨飪之也肆陳將齊也
或陳于互或齊其肉枋門內也皇大保安也饔饔饔
廩饔也踏踏言饔饔有容也燔取胙臂也炙炙肉莫
莫言清靜而敬至也爲豆孔庶爲賓爲客豆謂內羞
庶羞也正義作內宋本岳本作肉釋文曰內羞房中之羞或作肉非也繹而賓尸及
賓客東西爲交邪行爲錯度法度也獲得時也格來
酢報也燠敬也此謂燠卽懃之假借懃敬也善其事曰工資予也
幾期式法也稷疾救固也致告告利成也皇大也諸

父兄弟備言燕私燕私燕而盡其私恩也以綏後祿
綏安也安然後受福祿也將行也替廢引長也

信南山六章章六句

信南山刺幽王也不能修成王之業疆理天下以奉禹
功故君子思古焉

信彼南山維禹甸之畇畇原隰曾孫田之我疆我理南
東其畝 上天同雲雨雪雰雰益之以霖霖既優既渥
旣霑旣足生我百穀 疆場翼翼黍稷彧彧曾孫之穡
以爲酒食畀我尸賓壽考萬年 中田有廬疆場有瓜
是剝是蒞獻之皇祖曾孫壽考受天之祜 祭以清酒

從以騂牡享于祖考執其鸞刀以啓其毛取其血膋
是烝是享苾苾芬芬祀事孔明先祖是皇報以介福萬
壽無疆

甸治也昀昀墾辟貌曾孫成王也疆畫經界也理分
地理也南東其畝或南或東也上天同雲雨雪雰雰
雰雰雪貌豐年之冬必有積雪小雨曰霖霖場畔也騂
翼翼讓畔也或或茂盛貌是剝是蒞剝瓜爲蒞也騂
牡周尙赤也鸞刀乃有鸞者言割中節也毛以告純
也膋脂膏也血以告殺膋以升臭合之黍稷實之於
蕭合馨香也

從集注
及定本烝進也

甫田之什故訓傳第二十一 毛

甫田之什十篇三十九章二百九

甫田四章章十句

甫田刺幽王也君子傷今而思古焉

倬彼甫田歲取十千我取其陳食我農人自古有年今
適南畝或耘或耔黍稷薿薿攸介攸止烝我髦士以
我齎明與我犧羊以社以方我田既臧農夫之慶琴瑟
擊鼓以御田祖以祈甘雨以介我稷黍以穀我士女
曾孫來止以其婦子饁彼南畝田畯至喜攘其左右嘗
其旨否禾易長畝終善且有曾孫不怒農夫克敏曾

孫之稼如茨如梁曾孫之庾如坻如京乃求千斯倉乃求萬斯箱黍稷稻粱農夫之慶報以介福萬壽無疆

倬彼甫田倬明貌甫田謂天下田也十千言多也我取其陳食我農人尊者食新農夫食陳也耘除草也耔離本也烝我髦士烝進髦俊也治田得穀俊士以進器實曰盛在器曰盛社后土也方迎四方氣於郊也田祖先嗇也穀善也易治也長畝竟畝也敏疾也茨積也說文曰積積禾也毛謂此茨卽積之畋借也茨本訓屋以艸蓋故知此訓積爲畋借說文引詩積之栗栗作積之秩秩是積積可通用矣何以言如也此與淇澳如積同義在野曰稼云曾孫之稼則謂未穫者也○瞻彼洛矣梁車梁也京高丘也曰福祿如茨亦謂如積也

大田四章二章章八句二章章九句

大田刺幽王也言矜寡不得自存焉

大田多稼既種既戒既備乃事以我覃耜俶載南畝播厥百穀既庭且碩曾孫是若 既方既皂既堅既好不稂不莠去其螟螣及其蠹賊無害我田穉田祖有神秉畀炎火 有渰淒淒興雲祁祁雨我公田遂及我私彼有不穫穉此有不斂穧彼有遺秉此有滯穗伊寡婦之利 曾孫來止以其婦子饁彼南畝田峻至喜來方禋祀以其騂黑與其黍稷以享以祀以介景福

覃利也

此謂覃卽剡之假借
東京賦正作剡耜

庭直也實未堅者曰皂

稂童梁也莠似苗也食心曰螟食葉曰螽食根曰蝻

食節曰賊炎火盛陽也滄陰雲兒

此從顏氏家訓定本集注作陰雲

淒淒雲行兒

此從說文玉篇廣韻作淒淒乃與傳雲行訓合

祁祁徐兒也

家訓

正義皆有兒說文淒雨雲起也滄雨雲兒雨雲謂欲雨之雲凡大雨之來黑雲起而風生風生而雲行所謂有滄淒淒也已而風定白雲彌天雨隨之下所謂興雲祁祁雨公及私也顏氏家訓釋文正義皆作興雨於物理經秉把也駢牛也黑羊豕也訓皆失之

瞻彼洛矣三章章六句

瞻彼洛矣刺幽王也思古明王能爵命諸侯賞善罰惡焉

瞻彼洛矣維水泱泱君子至止福祿如茨韎韐有奭以

作六師 瞻彼洛矣維水泱泱君子至止韡韡有珌君子萬年保其家室 瞻彼洛矣維水泱泱君子至止福祿既同君子萬年保其家邦

瞻彼洛矣維水泱泱興也洛宗周漑浸水也

白麋黃初以前

雍州渭洛字作洛豫州伊雒字作雒絕無混淆至黃初以後乃亂矣其云至漢改伊洛作伊雒者偽也

泱泱深廣貌韡韡者茅蒐染韋一入曰韡絕句韡韡所以

代韡也

韡者韡之色也茅蒐染韋一入曰韡亦見說文及五經文字卽一染謂之緇也韡韡也士

無韡有韡故云韡所以代韡箋申之云韡者茅蒐染也茅蒐韡聲韡祭服之韡合韋爲之皆分析韡韡二字各義各本譌舛不可讀茅蒐韡聲者異義所云齊魯之間言韡聲如茅蒐也六師天子六

軍韡容刀韡也韡上飾珌下飾也

韡刀室也卽刀削削音肖削之上刀

把其飾曰琫削末之飾曰琫有讀爲又言有琫有琫
又有琫也公劉傳下曰琫上曰琫略舉其下上之體
而已釋名與毛所說各異戴東原氏改此傳天子玉
云琫上飾琫下飾琫飾兒非也琫不可言飾

琫而琫琫諸侯璽琫而鐻琫大夫鐻琫而鐻琫士琫

琫而琫琫

此從正義本與釋文集注定本不同考說文琫琫天子皆以玉然則諸侯皆以金大

夫皆以銀士皆以琫爲有條理說文又云天子玉琫而琫琫

裳裳者華四章章六句

裳裳者華刺幽王也古之仕者世祿小人在位則讒諂
竝進棄賢者之類絕功臣之世焉

裳裳者華其葉湑兮我觀之子我心寫兮我心寫兮是
以有譽處兮 裳裳者華芸其黃矣我觀之子維其有

章矣維其有章矣是以有慶矣 裳裳者華或黃或白
我觀之子乘其四駱乘其四駱六轡沃若 左之左之
君子宜之右之右之君子有之維其有之是以似之
裳裳者華其葉湑兮興也裳裳猶堂堂也湑盛兒芸
黃盛也桑其四駱六轡沃若言世祿也左陽道朝和
之事右陰道喪戎之事似嗣也

桑扈四章章四句

桑扈刺幽王也君臣上下動無禮文焉

交交桑扈有鶯其羽君子樂胥受天之祜 交交桑扈
有鶯其領君子樂胥萬邦之屏 之屏之翰百辟爲憲

不戢不難受福不邴 兕觥其斛旨酒思柔彼交匪敖
萬福來求

交交桑扈有鶯其羽興也鶯然有文章也胥皆也領
頭也屏蔽也翰榦

此謂假借

憲法也戢聚也不戢戢也不

難難也邴多也不多多也

鴛鴦四章章四句

鴛鴦刺幽王也思古明王交於萬物有道自奉養有節
焉

鴛鴦于飛畢之羅之君子萬年福祿宜之 鴛鴦在梁
戢其左翼君子萬年宜其遐福 乘馬在廐摧之秣之

君子萬年福祿艾之 乘馬在廐秣之摧之君子萬年
福祿綏之

駕鷩于飛畢之羅之興也駕鷩匹鳥太平之時交於
萬物有道取之以時於其飛乃畢掩而羅之戢其左
翼言休息也摧挫也挫者毛時莖字此毛謂摧卽挫
之段借也鄭恐學者不解故釋
曰挫今之莖字今
本箋挫或作摧非秣粟也艾養也

頍弁三章章十二句

頍弁諸公刺幽王也暴戾無親不能宴樂同姓親睦九
族孤危將亡故作是詩也

有頍者弁實維何爾酒既旨爾殽既嘉豈伊異人兄

弟匪他薦與女蘿施于松柏未見君子憂心奕奕既見
君子庶幾說釋 有頍者弁實維何其爾酒既旨爾殽
既時豈伊異人兄弟具來薦與女蘿施于松上未見君
子憂心怲怲既見君子庶幾有臧 有頍者弁實維在
首爾酒既旨爾殽既阜豈伊異人兄弟甥舅如彼雨雪
先集維霰死喪無日無幾相見樂酒今夕君子維宴
有頍者弁實維伊何興也頍弁貌弁皮弁也薦與女
蘿施于松柏薦寄生也女蘿菟絲松蘿也喻諸公非
自有尊託王之尊奕奕然無所薄也時善也怲怲憂
盛滿也臧善也霰暴雪也

暴必是謫字爾雅作消雪
說文作稷雪暴當作黍如

黍如稷皆謂其形
也消雪當作屑雪

車輦五章章六句

車輦大夫刺幽王也褒姒嫉妬無道竝進譏巧敗國德
澤不加於民周人思得賢女以配君子故作是詩也

閒關車之輦兮思變季女逝兮匪飢匪渴德音來佑雖
無好友式燕且喜 依彼平林有集維鵲辰彼碩女令
德來教式燕且譽好爾無射 雖無旨酒式飲庶幾雖
無嘉穀式食庶幾雖無德與女式歌且舞 陟彼高岡
析其柞薪析其柞薪其葉湑兮鮮我覲爾我心寫兮

高山仰止景行行止四牡騤騤六轡如琴覲爾新昏以

慰我心

閒關車之牽今興也閒關設塵兒變美兒季女謂有
齊季女也恬會也依茂木貌平林林木之在平地者
也鵲雉也辰時也景大也慰怨也

此從釋文釋慰爲怨如釋亂爲治釋

祖爲存此蓋幽王初立褒姒爲后而作故曰新昏

青蠅三章章四句

青蠅大夫刺幽王也

營營青蠅止于樊豈弟君子無信讒言 營營青蠅止

于棘讒人罔極交亂四國 營營青蠅止于榛讒人罔

極構我二人

營營青蠅止于樊興也營營往來貌樊藩也榛所以爲藩也

賓之初筵五章章十四句

賓之初筵衛武公刺時也幽王荒廢媒近小人飲酒無度天下化之君臣上下沈湎淫液武公旣入而作是詩也

賓之初筵左右秩秩籩豆有楚穀核維旅酒旣和旨飲酒孔偕鍾鼓旣設舉醕逸逸大侯旣抗弓矢斯張射夫旣同獻爾發功發彼有勺以祈爾爵 籥舞笙鼓樂旣和奏烝衍烈祖以洽百禮百禮旣至有壬有林錫爾純

嘏子孫其湛其湛曰樂各奏爾能賓載手仇室人入又
酌彼康爵以奏爾時 賓之初筵溫溫其恭其未醉止
威儀反反曰既醉止威儀幡幡舍其坐遷婁舞僊僊其
未醉止威儀抑抑曰既醉止威儀忸忸是曰既醉不知
其秩 賓既醉止載號載呶亂我邁豆婁舞僊僊是曰
既醉不知其郵側弁之俄婁舞僊僊既醉而出竝受其
福醉而不出是謂伐德飲酒孔嘉維其令儀 凡此飲
酒或醉或否既立之監或佐之史彼醉不臧不醉反恥
式勿從謂無俾大怠匪言勿言匪由勿語 依鄭箋則匪由乃勿由之
誤下文由醉之言即蒙此 由醉之言俾出童殺三爵不識矧敢多又

秩秩然肅敬也楚列貌殽豆實也核加邁也旅陳也
逸逸往來次序也大侯君侯也抗舉也有燕射之禮
勺質也祈求也籥舞笙鼓秉籥而舞與笙鼓相應王
大林君也嘏大也賓載手仇室人入又手取也室人
主人也主人請射於賓賓許諾自取其匹而射主人
亦入於次又射以耦賓也康爵酒所以安體也時中
者也反反言重慎也幡幡失威儀也遷徙也婁舞僂
僂婁數僂僂然抑抑慎密也怵怵媒媢也秩常也號
嘏號呼謹嘏也此七字當是號呼嘏謹也五字傲傲舞不能自正也
傂傂不止也旣立之監或佐之史立酒之監佐酒之

史也俾出童殺殺羊不童也

魚藻之什故訓傳第二十二 毛詩小雅

魚藻之什十四篇六十二章三百二句

魚藻三章章四句

魚藻刺幽王也言萬物失其性王居鎬京將不能以自樂故君子思古之武王焉

魚在在藻有頌其首王在在鎬豈樂飲酒 魚在在藻
有莘其尾王在在鎬飲酒樂豈 魚在在藻依于其蒲
王在在鎬有那其居

魚在在藻有頌其首頌大首兒魚以依蒲藻爲得其
性莘長兒

采菽五章章八句

采菽刺幽王也侮慢諸侯諸侯來朝不能錫命以禮數
徵會之而無信義君子見微而思古焉

采菽采菽筐之筥之君子來朝何錫予之雖無予之路
車乘馬又何予之玄衮及黼 鸛沸檻泉言采其芹君
子來朝言觀其旂其旂淠淠鸛聲嘒嘒載驂載駟君子
所屆 赤芾在股邪幅在下彼交匪紆天子所予樂只
君子天子命之樂只君子福祿申之 維柞之枝其葉
蓬蓬樂只君子殷天子之邦樂只君子萬福攸同平平
左右亦是率從 汎汎楊舟紉纜維之樂只君子天子

葵之樂只君子福祿臝之優哉游哉亦是戾矣

采菽采菽筐之筥之興也菽所以芼太牢而待君子也羊則苦豕則薇君子謂諸侯也玄衮袞卷龍也白與黑謂之黼黻沸檻泉鬻沸泉出貌檻泉正出也淠淠動也嘒嘒中節也赤芾在股邪幅在下諸侯赤芾句絕邪幅幅偃也所以自偃束也紆緩也申重也蓬蓬盛貌殿鎮也平平辯治也汎汎楊舟緇纒維之緇緯也纒緩也明王能維持諸侯也葵揆也臝厚也戾至也

角弓八章章四句

角弓父兄刺幽王也不親九族而好讒佞骨肉相怨故作是詩也

駢駢角弓

駢說文作駢

駢其反矣兄弟昏姻無胥遠矣爾

之遠矣民胥然矣爾之教矣民胥效矣此令兄弟綽綽有裕不令兄弟交相爲瘡民之無良相怨一方受爵不讓至于已斯亡老馬反爲駒不顧其後如食左餽如酌孔取母教猥升木如塗塗附君子有微猷小人與屬雨雪漙漙見睍曰消莫育下遺式居婁驕雨雪浮浮見睍曰流如蠻如髦我是用憂

駢駢角弓駢其反矣興也駢駢調利也不善繼樂巧

用則翩然而反綽綽寬也裕饒癩病也受爵不讓至
于已斯已爵祿不以相讓故怨禍及之比周而黨愈
少鄙爭而名愈辱求安而身愈危老馬反爲駒已老
矣而孩童慢之飽飽也猱猱屬塗泥附著也徽美也
睨日氣也浮浮猶瀟瀟也流流而去也蠻南蠻也髦
夷髦也

苑桺三章章六句

苑桺刺幽王也暴虐無親而刑罰不中諸侯皆不欲朝
言王者之不可朝事也

有苑者桺不尙息焉上帝甚蹈無自暱焉卑予靖之後

予極焉 有苑者桺不尙惕焉上帝甚蹈無自瘵焉卑
予靖之後予邁焉 有鳥高飛亦傳于天彼人之心于
何其臻曷予靖之居以凶矜

有苑者桺不尙息焉興也苑茂木也蹈動

槍傳悼動也則知蹈

悼音義同鄭申
毛非易毛也

暱近也靖治極至也惕息也瘵病也

曷害

此謂段借借曷爲
害猶借害爲曷也矜危也

都人士五章章六句

都人士周人刺衣服無常也古者長民衣服不貳從容
有常以齊其民則民德歸壹傷今不復見古人也

彼都人士狐裘黃黃其容不改出言有章行歸于周萬

民所望 彼都人士臺笠緇撮彼君子女綢直如髮我
不見兮我心不說 彼都人士充耳琇實彼君子女謂
之尹吉我不見兮我心苑結 彼都人士垂帶而厲彼
君子女卷髮如蠶我不見兮言從之邁 匪伊垂之帶
則有餘匪伊卷之髮則有旗我不見兮云何盱矣

彼彼明王也周忠信也臺所以御雨笠所以御暑也

依南山有臺疏及文選
謝元暉臥病詩注所引緇撮緇布冠也綢直如髮密

直如髮也訓綢爲密謂綢
爲稱之段借也琇美石也尹正也厲帶之

垂者旗揚也

采芣四章章四句

采綠刺怨曠也幽王之時多怨曠者也

終朝采綠不盈一朶子髮曲局薄言歸沐 終朝采藍
不盈一襜五日爲期六日不詹 之子于狩言韞其弓
之子于釣言綸之繩 其釣維何維魴及鱖維魴及鱖
薄言觀者

終朝采綠不盈一朶興也自旦及食時爲終朝兩手
曰朶子髮曲局局卷也婦人夫不在則不容飾衣蔽
前謂之襜褕至也五日爲期婦人五日一御也

黍苗五章章四句

黍苗刺幽王也不能膏潤天下卿士不能行召伯之職

焉

芄芃黍苗陰雨膏之悠悠南行召伯勞之 我任我輦
我車我牛我行旣集蓋云歸哉 我徒我御我師我旅
我行旣集蓋云歸處 肅肅謝功召伯營之烈烈征師
召伯成之 原隰旣平泉流旣清召伯有成王心則寧
芄芃黍苗陰雨膏之興也芄芃長大貌悠悠行貌我
任我輦我車我牛任者輦者車者牛者也我徒我御
我師我旅徒行者御車者師者旅者也謝邑也土治
曰平水治曰清

隰桑四章章四句

隰桑刺幽王也小人在位君子在野思見君子盡心以事之

隰桑有阿其葉有難既見君子其樂如何 隰桑有阿其葉有沃既見君子云何不樂 隰桑有阿其葉有幽既見君子德音孔膠 心乎愛矣遐不謂矣中心臧之何日忘之

隰桑有阿其葉有難興也阿然美貌難然盛貌有以利人也沃柔也幽黑色也

此謂幽卽黝之段借膠固周禮幽聖鄭讀爲黝

白華八章章四句

白華周人刺幽后也幽王取申女以爲后又得褒姒而黜申后故下國化之以妾爲妻以孽代宗而王弗能治周人爲之作是詩也

白華菅兮白茅束兮之子之遠俾我獨兮 英英白雲
露彼菅茅天步艱難之子不猶 漉池北流浸彼稻田
嘯歌傷懷念彼碩人 樵彼桑薪印烘于熤維彼碩人
實勞我心 鼓鍾于宮聲聞于外念子懔懔視我邁邁
有鷺在梁有鶴在林維彼碩人實勞我心 鴛鴦在
梁戢其左翼之子無良二三其德 有扁斯石履之卑
兮之子之遠俾我底兮

白華菅兮白茅束兮興也白華野菅也已漚爲菅英
英白雲露彼菅茅英英白雲貌露亦有雲言天地之
氣無微不著無不覆養也步行猶可也漚流貌卬我
烘燎也煨炷竈也桑薪宜以養人者也鼓鍾于宮聲
聞于外有諸宮中必形見於外也邁邁不說也此謂
卽怵怵之取借也韓詩說文作怵怵驚禿驚也有扁斯石扁扁乘石貌
石乘石王乘車履石疾病也

縣蠻三章章八句

縣蠻微臣刺亂也大臣不用仁心遺忘微賤不肖飲食
教載之故作是詩也

絲蠻黃鳥止于丘阿道之云遠我勞如何飲之食之教
之誨之命彼後車謂之載之 絲蠻黃鳥止于丘隅豈
敢憚行畏不能趨飲之食之教之誨之命彼後車謂之
載之 絲蠻黃鳥止于丘側豈敢憚行畏不能極飲之
食之教之誨之命彼後車謂之載之

絲蠻黃鳥止于丘阿興也絲蠻小鳥貌丘阿阿曲阿
也鳥止於阿人止於仁

瓠葉四章章四句

瓠葉大夫刺幽王也上棄禮而不能行雖有牲牢饗餼
不冝用也故思古之人不以微薄廢禮焉

幡幡瓠葉采之亨之君子有酒酌言嘗之 有兔斯首
炮之燔之君子有酒酌言獻之 有兔斯首燔之炙之
君子有酒酌言酢之 有兔斯首燔之炮之君子有酒
酌言醕之

幡幡瓠葉貌瓠庶人之菜也毛曰炮加火曰燔獻奏

也炕火曰炙

說文炕乾也炕火謂乾之於火生民傳貫之加於火曰烈烈卽炙也燔與火相

著炙與火相離酢報也醕道飲也

漸漸之石三章章六句

漸漸之石下國刺幽王也戎狄叛之荆舒不至乃命將

率東征役久病於

岳宋外故作是詩也

漸漸之石維其高矣山川悠遠維其勞矣武人東征不
皇朝矣 漸漸之石維其卒矣山川悠遠曷其沒矣武
人東征不皇出矣 有豕白蹄烝涉波矣月離于畢俾
滂沱矣武人東征不皇他矣

漸漸山石高峻卒竟沒盡也有豕白蹄烝涉波矣豕
豬躡蹠也將久雨則豕進涉水波月離于畢俾滂沱
矣畢噉也月離陰星則雨

召之華三章章四句

召之華大夫閔時也幽王之時西戎東夷交侵中國師
旅竝起因之以饑饉君子閔周室之將亾傷己逢之故

作是詩也

苕之華芸其黃矣心之憂矣維其傷矣 苕之華其葉

青青知我如此不如無生 牂羊墳首三星在留人可

以食鮮可以飽

苕之華芸其黃矣興也苕陵苕也將落則黃

芸者黃盛與裳

裳者其葉青青華落葉青青然也牂羊牝羊也墳大

也留曲梁也寡婦之笱也牂羊墳首言無是道也三

星在留言不可久也人可以食鮮可以飽治日少而

亂日多也

何草不黃四章章四句

何草不黃下國刺幽王也四夷交侵中國背叛用兵不息視民如禽獸君子憂之故作是詩也

何草不黃何日不行何人不將經營四方 何草不玄
何人不矜哀我征夫獨爲匪民 匪兕匪虎率彼曠野
哀我征夫朝夕不暇 有芃者狐率彼幽草有棧之車
行彼周道

何人不將經營四方言萬民無不從役也兕虎野獸
也曠空也芃小獸貌棧車役車也